

01 JUL 1996

GURRIA KUNJUNGI DR MAHATHIR

KUALA LUMPUR, 1 Julai (Bernama) -- Menteri Luar Mexico, Dr Angel Gurria hari ini melakukan kunjungan hormat terhadap Perdana Menteri, Datuk Seri Dr Mahathir Mohamad di pejabatnya di sini.

Turut serta dalam pertemuan setengah jam itu ialah Ketua Pengarah Bahagian Asia-Pasifik di Kementerian Luar Mexico, Sergio Ley dan Duta Mexico ke Malaysia, Ricardo Villanueva.

Menurut pegawai khas Perdana Menteri, Puan Hamidah Mohd Yusoff, Dr Gurria memberi taklimat kepada Dr Mahathir mengenai pembangunan ekonomi di Mexico dan minat negara itu menyertai projek usaha sama di Malaysia.

Menteri Mexico itu tiba di sini semalam untuk lawatan rasmi tiga hari untuk meningkatkan hubungan dua hala antara Mexico dan Malaysia. -- BERNAMA

AFY OBA